



Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Datum: 22.05.2019. godine

Broj: 8412/19

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ br. 39/14, 90/14, 96/14, 97/14, 103/14 i 104/14), člana 38. Statuta Javnog preduzeća „Grijanje“ d.o.o. Zenica, Rješenja Ureda za razmatranje žalbi BiH, Filijala Mostar, broj: JN2-03-07-1-841-8/19 i Odgovora na zahtjev za produženje roka Fonda za zaštitu okoliša Federacije BiH, broj: 01-06-2-266-1396/19 od 15.04.2019. godine, direktor Javnog preduzeća „Grijanje“ d.o.o. Zenica, d o n o s i

ODLUKU o poništenju postupka javne nabavke

I

Poništava se postupak javne nabavke usluge "Izrada projektno-tehničke dokumentacije za toplifikaciju uže gradske jezgre" po konkurentskom zahtjevu za dostavu ponuda, po obavještenju o nabavci broj: 1091-7-2-18-3-2/19 objavljenog na „Portal javnih nabavki: ejn.gov.ba“ dana 18.01.2019. godine.

II

Ova Odluka stupa na snagu sa danom donošenja i objavit će se na web stranici Javnog preduzeća "Grijanje" d.o.o. Zenica.

Obrazloženje

Dana 03.10.2018. godine, Fond za zaštitu okoliša Federacije BiH putem Obavijesti broj: 01-06-1-341-3978/18 od 28.09.2018. godine, obavijestio je Javno preduzeće "Grijanje" d.o.o. Zenica da je Upravni odbor Fonda za zaštitu okoliša Federacije BiH Odlukom broj: UO-01-3-6-19-1/2018 od 14.09.2018. godine odobrio sufinansiranje aktivnosti na realizaciji projekta Izrade projektno-tehničke dokumentacije za toplifikaciju uže gradske jezgre u naselju Pišće i dijelova grada Zenica-Podbriježe, Zmajevac, Tetovo Poslovna zona Zenica 1" u iznosu do 45.000,00 KM.

Obaveza Javnog preduzeća "Grijanje" d.o.o. Zenica bila je da dostavi ažuriran finansijski i dinamički plan u skladu sa visinom odobrenih sredstava koji će ujedno predstavljati sastavni dio ugovora, dokumentaciju za kompletnu tendersku proceduru izbora konsultantske/projektne kuće uključujući i ugovor, dokumentaciju vezanu za kompletnu tendersku proceduru izbora revizije kuće, ako nivo projektno-tehničke dokumentacije to zahtijeva i izjavu korisnika o obaveznom pridržavanju smjernica za korisnike sredstava o informisanju i vidljivosti projekta. Navedena dokumentacija predstavlja preduslov za zaključenje ugovora i ista se treba dostaviti fondu do 14.03.2019. godine.

Na osnovu naprijed navedenog, Javno preduzeće "Grijanje" d.o.o. Zenica, dana 18.01.2019. godine, pokrenulo je postupak nabavke usluge Izrada projektno-tehničke dokumentacije za toplifikaciju uže gradske jezgre, pripremlilo konkurentski zahtjev za dostavu ponuda, i isti objavilo na portalu javnih nabavki 18.01.2019. godine, broj obavještenja o nabavci: 1091-7-2-18-3-2/19. Rok za dostavu ponuda je 08.02.2019. godine.

Na tendersku dokumentaciju uložena je žalba, koja je ocijenjena djelimično osnovanom, te smo u tom smislu bili dužni izvršiti izmjenu tenderske dokumentacije i produžiti rok za dostavljanje ponuda za 22.02.2019. godine. Pretpostavljajući da nećemo okončati postupak nabavke do 14.03.2019. godine, obratili smo se Fondu za zaštitu okoliša Federacije BiH, zahtjevom za produženje roka za dostavu tražene dokumentacije.

Dana 14.03.2019. godine, Odlukom Fonda za zaštitu okoliša Federacije BiH, broj: 01-09-12-1029/2019 od 13.03.2019. godine Javnom preduzeću "Grijanje" d.o.o. Zenica odobrava se zahtjev za produženje roka za dostavu dokumentacije koja predstavlja preduslov za zaključenje Ugovora za projekat: Izrada projektne tehničke-dokumentacije za toplifikaciju uže gradske jezgre u naselju Pišće i dijelova grada Zenica-Podbriježe, Zmajevac Tetovo i Poslovna zona Zenica 1". Rok za dostavu dokumentacije je 14.04.2019. godine.

Dana 22.03.2019. godine, Javno preduzeće "Grijanje" d.o.o. Zenica donijelo je Rješenje broj: 4130-3/19 kojim je žalbu ponuđača "ENOVA" Društvo za inženjering i konzalting d.o.o. Sarajevo, izjavljenu na Odluku o izboru najpovoljnijeg ponuđača, broj: 4130-1/19 od 12.03.2019. godine, usvojilo djelomično, a dio žalbe odbijen kao neosnovan u dijelu preko usvojenog. "ENOVA" Društvo za inženjering i konzalting d.o.o. Sarajevo izabrano je za najpovoljnijeg ponuđača.

Na navedenu odluku ponuđač Institut za građevinarstvo „IG“ d.o.o. Banjaluka izjavilo je žalbu 02.04.2019. godine. Javno preduzeće "Grijanje" d.o.o. Zenica predmetnu žalbu zajedno sa Izjašnjenjem i cjelokupnom dokumentacijom vezanom za postupak nabavke dostavilo je Uredu za razmatranje žalbi BiH, Filijala Mostar.

Obzirom da je postupak dodjele sredstava bio uvjetovan dostavljanjem dokumentacije do 14.04.2019. godine, to je Javno preduzeće "Grijanje" d.o.o. Zenica dana 10.04.2019. godine podnijelo Fondu za zaštitu okoliša Federacije BiH Zahtjev za produženje roka za dostavu potrebne dokumentacije iz razloga što istu neće biti u mogućnosti dostaviti u određenom roku jer je u toku postupak po žalbi. Uz predmetni zahtjev dostavljene su u prilogu žalbe i odluke kao dokaz o osnovanosti zahtjeva za produženje roka.

Dana 18.04.2019. godine, zaprimili smo Odgovor na zahtjev za produženje roka od Fonda za zaštitu okoliša Federacije BiH, broj: 01-06-2-266-1396/19 od 15.04.2019. godine u kojem stoji da nema zakonske mogućnosti da se udovolji novom zahtjevu za ponovno produženje roka.

Dakle, iz naprijed navedenog proizilazi da Javnom preduzeću "Grijanje" d.o.o. Zenica neće biti dodijeljena sredstva za sufinansiranje aktivnosti na realizaciji projekta Izrade projektne-tehničke dokumentacije za toplifikaciju uže gradske jezgre u naselju Pišće i dijelova grada Zenica-Podbriježe, Zmajevac, Tetovo Poslovna zona Zenica 1" u iznosu do 45.000,00 KM.

Dana 15.05.2019. godine, Javno preduzeće "Grijanje" d.o.o. Zenica zaprimilo je Rješenje Ureda za razmatranje žalbi BiH, Filijala Mostar, broj: JN2-03-07-1-841-8/19 od 09.05.2019. godine, kojim se u tački 1. navodi da se žalba usvaja, poništava se Rješenje Javnog preduzeća "Grijanje" d.o.o. Zenica broj: 4130-3/19 od 22.03.2019. godine i predmet se vraća ugovornom organu na ponovni postupak.

U ponovljenom postupku, Javno preduzeće "Grijanje" d.o.o. Zenica prije postupanja u skladu sa uputama iz obrazloženja Rješenja Ureda za razmatranje žalbi BiH, Filijala Mostar, broj: JN2-03-07-1-841-8/19 od 09.05.2019. godine, moralo je uzeti u razmatranje i nove činjenice i okolnosti, a to je Odgovor na zahtjev za produženje roka od Fonda za zaštitu okoliša Federacije BiH, broj: 01-06-2-266-1396/19 od 15.04.2019. godine u kojem stoji da nema zakonske mogućnosti da se udovolji novom zahtjevu za ponovno produženje roka, odnosno uzeta je u obzir činjenica da Javno preduzeće "Grijanje" d.o.o. Zenica neće dobiti iznos do 45.000,00 KM za sufinansiranje aktivnosti na realizaciji projekta Izrade projektne-tehničke dokumentacije za toplifikaciju uže gradske jezgre u naselju Pišće i dijelova grada Zenica-Podbriježe, Zmajevac, Tetovo Poslovna zona Zenica 1", a koja sredstva su bila osnova za pokretanje postupka javne nabavke usluge "Izrada projektne-tehničke dokumentacije za toplifikaciju uže gradske jezgre".

Shodno navedenom, Javno preduzeće "Grijanje" d.o.o. Zenica smatra bespredmetnim postupati po uputi iz obrazloženja Rješenja Ureda za razmatranje žalbi BiH, Filijala Mostar, broj: JN2-03-07-1-841-8/19 od 09.05.2019. godine.

U vezi sa naprijed navedenim, donesena je odluka kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.

- Prilog:** - Obavijest Fonda za zaštitu okoliša Federacije BiH, br. 01-06-1-341-3978/18 od 28.09.2018. godine.
- Zahtjev za produženje roka Javnog preduzeća "Grijanje" d.o.o. Zenica, broj: 3001-Z-2431/19 od 12.02.2019. godine.
 - Odluka Fonda za zaštitu okoliša Federacije BiH, broj: 01-09-12-1029/2019 od 13.03.2019. godine
 - Zahtjev za produženje roka Javnog preduzeća "Grijanje" d.o.o. Zenica, broj: 3001-H-5760/19 od 08.04.2019. godine.
 - Odgovor na zahtjev za produženje roka Fonda za zaštitu okoliša Federacije BiH, broj: 01-06-2-266-1396/19 od 15.04.2019. godine.



Kaknj
Sead
Direktor

Kaknjo Sead, dipl.ing.maš.

DOSTAVLJENO:

- 1x Direktor Preduzeća
- 1x "ENOVA" d.o.o. Sarajevo, ul. Podgaj broj 14/I, 71000 Sarajevo (poslati preporučeno sa povratnicom)
- 1x Institut za građevinarstvo "IG" d.o.o. Banjaluka, ul. Kralja Petra I Karađorđevića br. 92-98, 78000 Banjaluka (poslati preporučeno sa povratnicom)
- 1x Arhiva javnih nabavki.